


Այս նույն դեպքը հաստատվում է նաև մի շարք այլ պատմագիրների վկայությամբ¹ և Սանահնի վանքի № 105 արձանագրությամբ: Գիտակորոսը հայոց կաթողիկոս է դարձել 1037 թվականին²: Ի՞նչպես կարող էր 1048 թվականից հետո հիմնադրված վանքը

1037-ին և ավելի առաջ վանահայր ունենալ: Նշանակում է, Գանձակեցու այդ սխալ վկայությունը հերքվում է հենց իր՝ Գանձակեցու մի այլ տեղեկությունով:

7. Կիրակոս Գանձակեցին այդ նույն հատվածի մեջ Դավիթ Անհողինի որդի Կյուրի-



Ներքին (Ամերափրկչի) և Մեծ (Աստուածածնի) դավիթների սյուների ու մուտքի բացվածքն իրենց հատկաձևերով:

կին է վերագրում նաև Հաղբատի վանքի հիմնադրումը: Այնպես որ, եթե հավատալու լինենք նրան, պետք է Հաղբատի վանքի բարձրաքանդակները ևս վերագրենք նույն Դավիթ Անհողինի որդի Կյուրիկին և նրա հորեղբայր Սմբատին: Ակադեմիկոս Բրոսսեն, Տ. Ղ. վ. Մովսեսյանը և այրոֆ. Մելիքսեթ-բեկը այդ հարցում հետևողական չեն, քանի որ Գանձակեցու տեղեկությունը Սանահնի վերաբերյալ ընդունել են, իսկ Հաղբատի մասին՝ ոչ: Այդպես են վարվել ակներև սխալից խուսափելու համար:

8. Գանձակեցին այդ սխալ տեղեկությունը հաղորդում է մի միջանկյալ նախադասության մեջ, երբ խոսում է բոլորովին այլ նյութի, Գրիգորիս կաթողիկոսի Հոռոմ գնալու և նրա փոխարեն Աղվանից Հովսեփի կաթողիկոսի միջոցով տեր Բարսեղին հայոց

կաթողիկոս ձեռնադրելու մասին: Նշանակում է այդ նախադասությունը պատահական երեւոյթ ունի:

Այսպիսով պարզ է դառնում, որ Կիրակոս Գանձակեցու տեղեկությունը, ինչպես վերևում նշեցինք, թյուրիմացության արդյունք է և որևէ կերպով չի պատճառաբանվում: Այդ տեղեկությունը, ինչպես ցույց տվինք 6-րդ կետում, հերքվում է հենց Գանձակեցու վկայությամբ: Հետևապես, Գանձակեցու այդ վկայության վրա հիմնվելով, չի կարելի Սանահնի վանքի հիմնադրումը և Ամենափրկիչ եկեղեցու արևելյան պատի բարձրաքանդակները վերագրել 11-րդ դարին:

Նշանակում է, Սանահնի Ամենափրկիչ եկեղեցու արևելյան ճակատի բարձրաքանդակ պատկերները պատկանում են 12-րդ դարին:

¹ Մամուլ էլի քահանայի Անեցույ հաւաքումը ի գրոց պատմագրաց, էջ 107, Մատթէոս Ուռհայեցի. Ժամանակագրութիւն, Վաղարշապատ, 1898, էջ 76, Հաւաքումն պատմութեան Վարդանայ վարդապետի լուսարանեալ, էջ 98 և այլն:

² Մաղաքի աբբեպ. Օրմանյան, Աղգապատում, հատ. ա, էջ 1213: Նաև Աճառյան, Անձնանունների բառարան: